

赤水玄珠第八卷目錄

瘧門

泄痢辨

泄瀉門

痢門

赤水玄珠第八卷

新安生生子孫一奎著輯

瘧門

內經皇帝問曰夫瘧瘧皆生於風其蓄作有時者何也岐伯曰瘧之始發也先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲飲冷帝曰何氣使然願聞其道岐伯對曰陰陽上下交爭虛實更作陰陽相移也陽并於陰則陰實而陽虛陽明虛則寒慄鼓頷也巨陽虛則腰背頭項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故飲冷也此皆得之

夏傷暑熱氣盛藏於皮膚之內腸胃之外此營氣之所
舍也此令人汗空疎腠理開因得秋氣汗出遇風及得
之以浴水氣舍於皮膚之內與衛氣並居衛氣者晝日
行於陽夜行於陰此氣得陽而外出得陰而內薄內外
相薄是以日作帝曰其間日而作者何也岐伯曰其氣
之舍深內薄於陰陽氣獨發陰邪內著陰與陽爭不得
出是以間日而作也帝曰善其作日晏與日早者何氣
使然也岐伯曰邪氣客於風府循膂而下衛氣一日一
夜大會於風府其明日日下一節故其作也晏此先客
於脊背也每至於風府則腠理開腠理開則邪氣入邪
氣入則病作以此作日稍晏也其出於風府日下一節

二十五日下至骶骨二十六日入於脊內注於伏膂之脈其氣上行九日出於缺盆之中其氣日高故作日益早也其間日發者由邪氣內薄於五臟橫連暮原也其道遠其氣深其行遲不能與衛氣俱行不得皆出故間日乃作也

帝曰夫子言衛氣每至於風府腠理乃發發則邪氣入入則病作今衛氣日下一節其氣之始發也不當風府其日作者柰何岐伯曰此邪氣客於頭項循膂而下者也故虛實不同邪中異所則不當其風府也故邪中於頭項者氣至頭項而病中於背者氣至背而病中於腰脊者氣至腰脊而病中於手足者氣至手足而病衛氣之

所在與邪氣相合則病作故風無常府衛氣之發必開其腠理邪氣之所舍則其府也

帝曰瘧先寒而後熱者何也岐伯曰夏傷於大暑其汗大出腠理開發因遇夏氣淒滄之水寒藏於腠理皮膚之中秋傷於風則病成矣夫寒者陰氣也風者陽氣也先傷於寒而後傷於風故先寒而後熱也病以時作名曰寒瘧帝曰先熱而後寒者何也此先傷於風而後傷於寒故先熱而後寒也亦以時作名曰溫瘧帝曰夫病溫瘧與寒瘧而皆安舍舍於何藏岐伯曰溫瘧得之冬傷於風寒氣藏於骨髓之中至春則陽氣大發邪氣不能自出因遇大暑腦髓燥肌肉消腠理發泄或有所用力

邪氣與汗皆出此病藏於腎其氣先從內出之於外者也如是者陰虛而陽盛陽盛則熱矣衰則氣復反入入則陽虛陽虛則寒矣故先熱而後寒名曰溫瘧其但熱不寒者陰氣先絕陽氣獨發則少氣煩冤手足熱而欲嘔名曰瘧瘧帝曰瘧瘧何如岐伯曰瘧瘧者肺素有熱氣盛於身厥逆上衝中氣實而不外泄因有所用力腠理開風寒舍於皮膚之內分肉之間而發發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間今人消爍肌肉故名曰瘧瘧帝曰瘧未發其應何如岐伯曰瘧氣者必更盛更虛當氣之所在也病在陽則熱而脈躁在陰則寒而

脈靜極則陰陽俱衰衛氣相離故病得休衛氣集則復病也

衛與邪相并則病作與邪相離則病休其并於陰則寒并於陽則熱離於陰則寒已離於陽則熱已至次日又集而并合則復病也

帝曰時有間二日或者至數日或渴或不渴其故何也岐伯

曰其間日發者邪氣與衛氣客於六府而有時相失不能相得故休數日乃作也瘧者陰陽更勝也或甚或不甚故或渴或不渴

帝曰夫經言有餘者瀉之不足者補之今熱爲有餘寒爲不足夫瘧者之寒湯火不能溫也及其熱冰水不能寒

也此皆有餘不足之類當此之時良工不能止必須其
自衰乃刺之其故何也願聞其說岐伯曰經言無刺熇
熇之熱無刺渾渾之脈無刺漉漉之汗故爲其病逆未
可治也夫瘧之始發也陽氣并於陰當是之時陽虛而
陰盛外無氣故先寒慄也陰氣逆極則復出之陽陽與
陰復并於外則陰虛而陽實故先熱而渴夫瘧氣者并
於陽則陽勝并於陰則陰勝陰勝則寒陽勝則熱瘧者
風寒之不常也病極則復至病之熱也如火之熱如風
雨不可當也故經言曰方其盛時必毀因其衰也事必
大昌此之謂也夫瘧之未發也陰未并陽陽未并陰因
而調之真氣得安邪氣乃亡故工不能治其已發爲其

氣逆也帝曰善攻之奈何早晏何如岐伯曰瘧之且發也陰陽之且移也必從四未始也陽已傷陰從之故先其時堅束其處令邪氣不得入陰氣不得出審候見之在孫絡盛堅而血者皆取之此真往而未得并者也上已

俱內經瘧論

保命集云夏傷於暑秋必瘧瘧蓋傷之淺也近而暴傷之重也遠而深瘧瘧者久瘧也是之夏傷於暑濕熱閉藏而不能發洩於外邪氣內行至秋而發為瘧也初不知何經受病隨其受而取之有中三陽者有中三陰者大抵經中邪氣其症各殊同傷寒論之也故內經曰五臟皆有瘧其治各別太陽經者謂之風瘧治多汗之在陽

明經者謂之熱瘧治多下之在少陽經者謂之風熱瘧
治多和之此三陽受病皆謂之暴瘧也發在夏至後處
暑前者此乃傷之淺者近而暴也在陰經者則不分三
經皆謂之溫瘧宜以太陰經論之其發處暑後冬至前
者此乃傷之重者遠而深也瘧瘧者老瘧也故謂之久
瘧

丹溪云風暑之瘧當發汗夏月多在風涼處歇遂閉其汗
而不泄故也 惡飲食者必自飲食上得之無汗者要
有汗發散爲主帶補 有汗者要無汗扶正氣爲主帶
散邪 瘧病感虛者須以人參白朮一二帖托住其氣
不使下陷後使他藥 內傷挾外邪同發必內生痰外

以汗解散二陳湯加柴胡黃芩常山草菓煎服 久瘧

不得汗者二陳

湯加

檳榔倍加蒼朮

一方加柴胡葛根

川芎一補一發不可直截 老瘧係風暑入於陰分用

血藥引出陽分則散當以當歸紅花黃柏川芎白朮

蒼朮甘草白芷水煎露一宿空心服

按瘧在陰分須徹起陽分者卽格至論中云臟傳出至
府亂而失期也又當因其汗之多寡而爲補養升發之
下陷謂陽氣下陷入陰血中無汗要有汗多用川芎葛
根蒼朮升麻茈胡之屬此丹溪治瘧之微旨也

心法附餘曰世用砒礬等毒藥截瘧差悞甚矣且俗名曰

脾寒此因名而迷其實也苟因飲食所傷而得亦未必

全是寒况其他乎在陽分者易治陰分者難治瘧母必用毒藥消之行氣消堅爲主

脈訣舉要曰瘧脈自弦弦數多熱弦遲多寒隨時變遷心法附錄曰有病久脈極虛微而無力似乎不弦然而必於虛微之中見弦但不搏手耳細察可見也

生生子曰世俗皆視瘧爲小病不分外感內傷勞倦虛弱在陽在陰之旨率以砒丹常山等毒劑劫之或以草藥嘗之又或指爲鬼祟而以符水巫咒禁之稟受厚邪輕者偶中饒倖稟弱邪重者愈劫而愈陷矣於是遷延歲月咳嗽潮熱飲食減少每每變虛怯之候不思經曰邪之所奏其氣必虛輕病重治必成重病都緣不能脫俗

赤水玄珠 八卷
故耳良可悲夫

桂枝羌活湯 處暑前後頭痛項強脈浮惡風有汗 桂

枝 羌活 防風 甘草炙 各等分爲粗末每服五

錢水一盞半煎至一盞迎發日溫服 吐者加半夏麴

麻黃羌活湯 頭痛項強脈浮惡風無汗 麻黃 羌活

防風 甘草炙 各等分煎法如前如吐加半夏麴等

分 二方皆太陽經

白芷湯 治瘧身熱目疼熱多寒少脈長睡卧不安先以

大柴胡湯下之微利爲度如下後微邪未盡者以此湯

盡之 白芷 知母各一兩 石膏四兩 服法同前此陽明經

桂枝石膏湯 隔日一發先寒後熱寒少熱多 桂枝五錢

石膏

知母

各一兩半

黃芩

一兩

右分作三服間日者邪氣

所舍深也如外邪已罷內邪未已再下之 從卯至

午發者宜大柴胡湯下之 從午至酉者知邪在內

也宜大承氣湯下之 從酉至子或至寅發者知邪

在血宜桃仁承氣湯下之 前項下藥微利為度再

以小柴胡湯徹其微邪之氣

桂枝芍藥湯 寒熱大作不拘先後此太陽陽明合病也

謂之大爭寒熱作則必戰動經曰熱勝則動也發熱則

必汗泄經云汗出不愈知為熱也陽盛陰虛之症治當

內實外虛不治恐久而傳入陰經也宜桂枝芍藥湯王

之

桂枝二錢 黃芪 知母 芍藥 石膏各五錢

右服七錢水煎服 如服前藥而寒熱轉大者知太

陽陽明少陽合病也宜桂枝黃芩湯以和之

桂枝黃芩湯 治三陽合病 甘草四錢五分 石膏五錢 知母五錢

桂枝二錢 柴胡二錢 黃芩四錢五分 人參四錢五分 半夏四錢 右水

煎服服後如外邪已罷內邪未已用大柴胡大承氣等

湯下之

麻黃黃芩湯 治夜發者 桃仁承氣湯亦治夜發者

麻黃一兩 甘草炙三兩 桃仁三十枚 黃芩去芦 官桂二錢五分

服法同前

桃仁味苦甘辛肝為血海血受邪則肝氣燥經云肝

苦急急食甘以緩之故桃仁散血緩肝謂邪氣深遠
而入血故夜發乃陰經有邪此發散血中風寒之劑
麻黃桂枝桃仁乃太陽經血藥非三陰經藥也

生生子曰已上皆劉守真分經治療法也與內經之旨皆
相符合明其邪自外而來故治同傷寒也予驗今之所
發者除傷風所發外亦有多挾內傷者或從飲食所得
或從勞倦所得此必先有所感而邪氣潛伏今爲新傷
所啟發也雖涉內傷而頭疼寒熱口渴等症亦不出前
數法外矣予每用所挾症之藥加於前各經治方之內
錯綜治之亦不失古人意也故所向輒有功

濟世方治先熱後寒者以小柴胡湯先寒後熱者小柴胡

赤小玄珠 八卷
加桂枝湯多熱但熱者白虎加桂枝湯多寒但寒者柴
胡羌桂湯

按此亦前分經法也但此以寒熱多少定治然寒多而
但寒不熱脈洪實或滑多有熱極而似水者爲有餘治
當下之若便以桂枝投之悞也如或多熱而但有熱者
脈虛大或微弱當作虛治若便以白虎湯投之悞也故
必須細心體認詳之以脈而以寒熱多少叅治庶爲穩
當

仲景白虎加桂枝湯 治朝發暮解暮發朝解其脈如平

但熱無寒骨節疼煩便難此治溫瘧 知母六兩甘草炙

兩石膏一斤粳米二合桂枝三兩去皮 水煎服出汗愈

柴胡桂姜湯 治往來寒得膈疼小便不利 嘔而不渴

治瘧寒多熱少或寒不熱

柴胡 半斤

桂枝 三兩 去皮

乾姜 二兩

括蕪根 四兩

黃芩 二兩

甘草 炙二兩 牡礪 二兩 煨

水煎服初服微煩再服得汗便愈

愈

柴胡去半夏加括蕪湯 治瘧病後渴者亦治勞瘵

柴胡 八兩

人參

黃芩 各三兩

括蕪根 四兩

生姜 二兩

大棗 十二枚 甘草 炙三兩

水煎服一日兩三服効

局方雙解飲子 治瘧疾辟瘴氣神効食瘧尤佳

肉荳蔻

草荳蔻

各二枚 一枚生用 一枚麵粉 二兩 一半生 煨熱 一枚生用 粉草 二兩 一半生 炙

厚朴 二寸 一半用 汁炒 一半生用

生薑

二塊 如棗大一塊 煨 一塊生用

右水煎空心服

東垣云秋暮暑氣衰病熱瘧知其寒也此方主之實治寒瘧也

人參養胃湯

治飲食傷脾及寒多而熱少者得膈痞悶

不思飲食寒多者加姜桂

熱

者加黃芩黃連柴胡

方在寒門

清脾飲

治瘧瘧脉來弦數或但熱不寒或熱多寒少口

苦咽乾小便赤澁

青皮

去白

厚朴

姜製

白朮

半夏

泡

黃芩

草薢仁

柴胡

茯苓

甘草

炙

各等分

右每服七八錢姜五片不拘時服

草薢飲

治內傷飲食作瘧得腹飽悶

草薢

蒼朮

厚朴

陳皮

半夏

甘草

烏梅

去核

姜棗同煎

寒多者加乾姜附子熱多者只加柴胡

瘴癘加檳榔

柴苓湯 寒熱汗後或大便作瀉

方出傷寒門

三聖飲 治胸膈飽悶口渴熱多寒少 蒼朮 枳殼

知母 各三錢 水煎服

四聖飲 治久瘧 何首烏 白芷 青皮 陳皮

水煎空心服

良方四將軍飲 治瘧作仆厥不知人手足俱冷此雖一

時救急之方用之有驗 大附子 炮去皮一枚

訶子 四枚去核

陳皮 四枚洗淨 甘草 炙四兩

分作四服水一鍾半姜七片棗七枚煎拆一半熱灌

下立甦

方廣云瘧疾發作而僵仆不省人事者蓋由頑痰膠固於中營衛不行故也所以中風中暑而卒倒不省人事亦由痰之所致也附子性大熱走而不守本是治寒濕之藥今瘧僵仆而用之以其性能開散頑痰營衛流通故耳乃是劫劑不得已而用之也

澹寮露姜飲

胃中痰飲為瘧

方加蜜治痰嗽作吐

生姜四兩搗汁露一宿空心冷服大治脾胃聚痰發為寒熱 方廣云生羌自然汁凡中風中暑中氣乾霍亂一應卒暴之疾與童便同用立可解散蓋生姜能開痰童便能降火故也

截瘧溫脾飲

治脾虛痰涎上湧瘧發作則吐神効

白朮 五錢 生姜 五錢

水煎空心服

生生子曰按此亦丹溪白朮丸意也彼以白朮一味久服得汗乃愈此以生姜佐之故取汗速而効亦速也

已上五方皆禁方

王節齋治瘧活套

柴胡

白朮

各一錢

蒼朮

一錢已上三味瘧疾必用之

陳皮

七分

枳殼

五分

分

乾葛

一錢二分

若一日一發及午前發者邪在陽分加

枯黃芩 茯苓 半夏

各一錢

熱甚頭疼再加川芎 軟石膏

各一錢

錢

口渴加石膏 知母 麥冬 各一錢

若間日或三日發午後或夜發者邪在陰分加川芎 當歸

酒炒芍藥 熟地黃 酒炒知母

各一錢

酒洗紅花 酒炒黃柏

各四分 提起陽分可截之

若間一日連發二日或日夜各發者氣血俱病加八物湯

再加黃芪補之

若陽瘧多汗用黃芪人參白朮以斂之無汗柴胡蒼朮白

朮黃芩乾葛以發之

若陰瘧多汗用當歸白芍熟地黃黃耆黃柏以斂之無汗

柴胡蒼朮川芎紅花升麻以發之

若病人胃氣弱飲食少或服截瘧藥傷脾胃而少食者加

人參一錢酒炒芍藥大麥芽各一錢

若傷食痞悶或有食積者加神麴麥芽枳實炒各一錢

若痰盛加羌製半夏南星枳實炒各一錢黃芩黃連各六分

若欲截之加檳榔黃芩青皮常山各一錢烏梅肉三枚

若日久虛瘧寒熱不多或無寒而但微熱者邪氣已無只

用八物湯加柴胡黃芩黃芪陳皮以滋補氣血

瘧母

濟生驚甲飲子 瘧久不愈脇下痞滿腹中結塊名曰瘧

母 草薺 驚甲醋炙 黃芪 白朮 白芍 厚朴姜製

檳榔 橘紅 川芎 甘草炙

各等分每服四錢水一鍾姜七片棗一枚烏梅少許

煎服

又方 治瘧母 驚甲醋炙 三稜 莪朮 香附俱醋炒各

一兩 橘紅 一兩 阿魏 五兩

右醋糊為丸梧子大姜湯下三十九

瘧母丸 青皮 桃仁 紅花 神麩 麥芽 鱉甲醋炙

三稜 蓬朮 海粉 香附俱用醋煮

右用神麩糊為丸梧桐子大每服五七十九白湯下

十將軍丸 久瘧有瘧母不瘥或腹疼

三稜去毛土炒 蓬朮生用 青皮去白 橘紅各一兩 草菓去壳 常山各二兩

砂仁 檳榔 烏梅 半夏泡各一兩

右先將常山草菓二味剉好酒醋各一碗入瓦器內

先浸一宿後入八味藥同浸至晚炭火煮乾取出晒

如無日色用火焙乾為末酒醋各半打糊為丸如梧

桐子大每服三四十九白湯吞下日進三服忌生冷

魚腥醯酸油膩麵諸死毒物服四兩或八兩乃除根

凡有積聚及行瘴濕地方並宜服

小兒瘧疾痞塊 生地 白芍 各一錢半 陳皮 川芎 黃芩

半夏 各一錢 粉草 二分 姜水煎調鱉甲末服

瘧脹

秋深久瘧胸中無物又無痰癖腹高而食少俗謂瘧氣入

腹宜蒼朮湯主之 蒼朮 四兩 草烏頭 一錢 杏仁 三十個

右分作三服一日服盡愈

產後瘧

草菓飲子 產後瘧疾多由汚血挾寒熱而作大法宜柴

胡四物湯調之熱多者宜服此

半夏泡 赤茯苓 草薹皮煨去 甘草炙 陳皮 川芎

白芷各一錢二分 紫蘇 良姜 青皮各六分 乾姜二錢四分

右分作二帖姜五片棗二枚當發日空心連進三服
無不愈者

生熟飲子 治寒多者 肉苳蔻 草薹仁 厚朴

半夏 陳皮 甘草 大棗去核 生姜各一錢半

右以一半以濕紙裹煨香熟和勻一半生用和勻分
作二帖水煎空心一服食後一服二渣并煎午前服
盡

彭用光治瘧活套

如連日或間日惡寒發熱頭項腰背痛此太陽經二陳加

柴胡羌活藁本防風

如連日或間日先寒後熱或寒少熱多或但熱不寒日痛鼻乾此陽明經二陳加葛根升麻石膏知母白芷

如連日或間日先寒後熱或寒熱間作脇痛口苦嘔惡此少陽經二陳加柴胡黃芩青皮

如子午卯酉日發寒熱嘔吐舌乾口燥此少陰瘧二陳加當歸川芎黃柏黃連柴胡

如辰戌丑未日發寒熱嘔吐不嗜食或腹滿自利此太陰瘧二陳加蒼朮白朮柴胡芍藥

如寅申巳亥日惡寒發熱寒多熱少或腹痛引陰器如淋狀善恐此厥陰瘧二陳加桂枝附子乾姜柴胡升麻

三陽之瘧宜汗宜吐麻黃葛根柴胡常山草菓烏梅之屬
三陰之瘧宜下宜溫宜和大柴胡湯柴胡桂姜湯柴胡四
物湯附子理中湯加升麻柴胡之類

泄痢

生生子曰仲景河間東垣諸公多以泄痢混同論治究其

源皆

本

於難經五十七難五泄中來云小腸泄大瘕泄

卽是腸瘕膿血也故治法亦多相須但初學之士未

易尋繹故予不揣庸腐芟繁入簡以經文列之於前而

諸賢次之以見古人著方立法之意然後發明泄痢刑

狀而以丹溪之見折而衷之仍分泄痢爲二門初不敢

遽分者以其有先痢而後泄有先泄而後痢有痢不因

泄有泄不因痢治有次第症有輕重也以古論不可分者爲綱以今之名症者爲目使後學易以辨別而難治之症亦得以備參考也

難經云有胃泄有脾泄有大腸泄有小腸泄有大瘕泄名曰後重

保命集曰胃泄者飲食不化色黃以大承氣湯下之脾泄者腹脹

滿泄注食即嘔吐逆建中理中湯主之大腸泄者食已窘迫大

便色白腸鳴切痛乾姜附子湯主之小腸泄者溲而便膿血少

腹痛承氣湯下之大瘕泄者裏急後重數至圞而不能便莖

中痛胃大小腸三症皆清涼飲子主之其泄自止厥陰症莖中痛加甘草以陰症裏急後重加大黃

滑伯仁曰瘕結也謂因有凝結而成者也裏急謂腹內急

迫後重謂肛門下墜惟其裏急後重故數至圜而不能

便莖中痛者小便亦不利也出難經本義

謝堅白曰小腸大瘕二症今所謂痢疾也內經曰腸澼故

下痢赤白者灸小腸俞是也穴在第十六推下兩傍各

一寸五分累驗出難經本義

四明陳氏曰胃泄卽飧泄也脾泄卽濡泄也大腸泄卽洞

泄也小腸泄謂凡泄則小便先下而便血卽血泄也大

瘕泄卽腸澼也

靈樞經曰腸中寒卽腸鳴飧泄腸中熱卽出黃如麤脉要

精微論曰胃脉虛則泄

仲景曰大腸有寒者多鶩溏有熱者便腸垢下痢脉微

弱數者爲欲自止雖發熱不死 下痢有微熱而渴脉

弱者亦自愈 下痢脉數而渴者合自愈設不愈必清

膿血以有熱故也 下痢脉數有微熱汗出合自愈設

脉緊爲未解 下痢脉反弦身熱汗者自愈 下痢脉

沉而遲其人面少赤身有微熱下痢清穀者必鬱冒汗

出而解病人必微厥所以然者其面戴陽下虛故也

下痢脉沉弦者下重 下痢寸口反浮數尺中自濇者

必清膿 溲病若腹大而泄者脉當細微而濇反緊大

而實者死 下痢脉大者爲不止 下痢一日十餘行

脉反實者死

素問云泄而脉大難治 病泄脉洪大者逆也

靈樞云殮泄脉小者手足寒難已殮泄脉手足温易已

腹鳴而滿四肢清泄其脉大是逆也如是者不過十
五日死矣 腹大脹四末清脫形泄甚是逆也如是者
不及一時死矣

經云五虛者死脉細皮寒氣少泄痢前後飲食不入此謂
五虛其漿粥入胃泄注止則虛者活丹溪嘗謂治數人
在下則泄瀉不止上則吐痰不已皆死蓋氣脫無所管
攝故也若用參朮膏之早者十活二三

病機機要云臟腑瀉其症亦多大抵從風濕熱論之是
知寒少熱多寒則不能久也故曰暴泄非陰久瀉非陽
論曰春宜緩形形動則肝木乃榮反靜密則是行秋令

金能制木風氣內藏夏至則火盛而金去獨火木旺而脾土損矣輕則飧泄身熱脉洪穀不能化重則下痢膿血稠粘裏急後重故曰諸泄稠粘皆屬於火經云溲而便膿血知氣行而血止也宜大黃湯下之是為重劑黃芩芍藥湯是為輕劑是實則瀉其子木能自虛而脾土實矣故曰春傷於風夏必飧泄此逆四時之氣人所自為也

此一節謂熱泄而滯下也

有自太陰經脾受濕而為水泄虛

微滿身重不知穀味假令春宜益黃散補之夏宜泄之法曰宜補宜泄宜和宜止和則芍藥湯止則訶子湯久則防變為膿血是脾經傳受於腎謂之賊邪故難愈也若先利而後瀉謂之微邪故易安此皆脾土受濕天之

所爲也雖聖智不能逃口食味鼻食氣從鼻而入留積

於脾而爲水泄也

此一節溫泄所謂泄瀉也

有厥陰經動下利不止其脉沉而遲手足厥逆涕唾膿血

此症難

治宜麻黃

小續命湯汗之法云爲有表邪縮於內當

散之而自愈

此一節風泄所謂久泄也

有暴下無聲身冷自汗小便清利大便不禁氣難布息脉

遲嘔吐急以重藥溫之漿水散是也

此一節寒泄所謂暴泄也

故法云後重則宜下腹疼則宜和身重則除濕脉弦則去

風血膿稠粘以重藥竭之身冷自汗以毒藥溫之風邪

內縮汗之驚漉爲痢溫之又云在表者汗之在裏者下

之在上者湧之在下者竭之身表熱內疎之小便瀉者

者分利之又曰盛者和之去者送之過者止之兵法云
避其來銳擊其惰歸此之謂也

凡病泄而惡寒是太陰傳少陰是土來尅水也用除濕白
朮茯苓安脾白芍藥桂枝黃連破血也火邪不能勝水
太陰不能傳少陰而反火邪上乘肺經而痢必白膿也
加芍藥當歸之類

又裏急後重脉大而洪實爲裏實痛甚者是有物結墜也
宜下之若脉浮大甚不宜下

雖裏急後重而脉沉細弱者謂寒邪在內而氣散也可溫
養而自愈 裏急後重閉者大腸經氣不宣通也宜加
檳榔木香宣通其氣 如痢或泄而嘔者謂中氣不和

也上焦不和治以生姜橘皮中焦不和治以當歸茯苓
桂下焦寒不和治以輕熱藥甚者重熱藥大便秘

瀉久不愈恐太陰傳少陰多傳變爲痢太陰傳少陰是
爲賊邪先以枳實厚朴湯以防其變若四肢懶倦小便
少或不利大便走沉困飲食減宜調胃去濕白朮芍藥
茯苓三味水煎服以白朮之甘能入胃而除脾胃之濕
芍藥之酸瀉除胃中之濕熱四肢沉困茯苓之淡泄能
通水道走濕此三味泄痢須用此 如發熱惡寒腹不

痛加黃芩爲主如未見膿而惡寒乃太陰欲傳小陰也
加黃連爲主桂佐之如腹痛甚者加當歸倍芍藥如見
血加黃連爲主桂當歸佐之 如煩躁或先便白膿後

血或發熱或惡寒非黃芩不止上部血也 如惡寒脉

沉先血後便非地榆不能除下部血也 如惡寒脉沉

或腰痛或臍下痛非黃連不除此中部血也 如便膿

血相雜而脉浮大慎不可以大黃下之下之必死謂氣

下竭也而陽無所收凡陰陽不和惟以分陰陽藥治之

又云暴泄非陰久泄非陽大便完穀下有熱者脉疾身動

聲亮暴注下迫此陽也寒者脉沉而細身困鼻息微薑

附湯主之身重不樂木附湯主之 渴引飲者是熱在

膈上水多入則自胃膈入胃中胃本無熱因不勝其水

名曰水恣胃受水攻故水穀一時下此証當炎大椎三

五壯立已乃督脉瀉也如用藥使車前子白朮茯苓之

類五苓散亦可

又有寒泄者大腹滿而泄又有驚澹瀉者是寒泄也驚者鴨也大便如水其中有少結糞者是也如此者當用天麻附子乾姜之類

又法曰泄有虛實寒熱虛則無力不及拈衣未便已泄出謂不能禁固也實則數至圉而不便俗云虛坐努責是也裏急後重皆依前法進退大承氣湯主之

按已上述泄利寒熱虛實脉証輕重治法極爲詳悉最當深玩

泄痢辨

丹溪云泄瀉之症水穀或化或不化並無努責惟覺困倦

若滯下則不然或膿或血或膿血相雜或腸垢或無糟粕或糟粕相雜雖有痛不痛之異然皆無裏急後重逼迫惱人

泄瀉門

生生子曰泄瀉要分新久時令寒熱虛實及飲食痰積數者

內經曰濕勝則濡泄甲乙經云氣客下焦傳爲濡泄羅太無曰夫脾者五臟之至陰惡寒濕今寒濕之氣內客於脾故不能裨助胃氣腐熟水穀致清濁不分水入腸間虛莫能制故洞泄如水隨氣而下謂之濡泄法當除濕利小便治之以對金飲子 平胃散五錢五苓散二錢

五分草苳菴麩煨五錢 右分二服姜棗同煎

出濟世方名對金飲子

王叔和云濕多成五泄

生生子曰新泄瀉多是濕治濕瀉之法宜燥脾利水胃苓

湯五苓散之類 胃中氣下快心不痞氣加枳殼木香

如有痰加半夏 如惡心加藿香砂仁 如腫滿加

桑白皮赤小苳 有熱加黃芩木通滑石之類臧桂

有寒加高良姜乾姜桂心之類 稍久不止者東垣升

陽滲濕湯或蒼朮防風湯

用風藥者謂風能勝濕也

若飲食所

傷以平胃散加消導之劑

久泄多是積劉河間云有太陰陽明二症當進退大承氣

湯主之既久泄矣而又以承氣湯下之者必其積滯腸固脉結實不虛非常法可効故用此推陳致新
不可姑息也

太陰症不能食也當先補而後瀉乃進藥法也先煎厚朴半兩俱依本方加減水一盞半煎七分服若三兩服後未已如稍加食尚有熱毒加大黃二錢推過泄止任藥如泄未止謂腸胃有塵垢滑粘加芒硝三錢令宿垢去盡則愈也

陽明症能食是也當先瀉而後補乃退藥法也先用大承氣湯五錢水一盞半煎七分稍熱服如泄未止去芒硝後熱稍退減大黃一半煎兩服如熱氣雖已其人必腹滿又減去大黃以枳實厚朴湯服三兩服如腹脹滿退

泄亦自愈後服厚朴湯數服則已

仲景云下痢已瘥至其月日又復發者以其積去不盡故

也當下之以大承氣湯 此熱積寒下也

本事方治痼冷在腸胃間頻年腹痛泄瀉休作無時服諸

熱藥不効宜先取去積滯然後調治不可畏藥以養 病也

厚朴丸 厚朴 乾姜 甘草 桂心 附子 生各二錢 大黃

生細切水一盞浸半日煎汁用之 右水二碗煎八分後下大黃汁再

煎六合温服自夜至曉分三服之盡止 或更以乾姜丸佐之

乾姜丸 乾姜 巴豆 去心殼研碎炒黃 大黃 人參 各一兩

右爲末同巴豆研勻加煉蜜爲丸如梧桐子大食前

用湯吞下一丸陳米飲吞亦可後服白朮散

白朮散 推後以此温補之 白朮 木香 附子

人參 各等分 右為末每服一二錢生姜三片棗一枚煎六分温服

痰積泄瀉 海石 青黛 黃芩 神麩 半夏麩 膏造 震天

者尤妙 右為丸每服三五十九

右積滯泄瀉必腹中耕痛痛而泄泄而痛止者是也或肚

滿按之堅者亦是也受病淺者以保和丸等消導之深

而頑者必須推去陳積然後乃止也

實脾固腸丸 泄瀉月久不止及脾泄無度者

白朮 陳土炒 四兩 粟殼 去膜蜜炒二兩 蒼朮 米泔浸 厚朴 姜製 陳皮 各一兩半

人參 炮乾姜 炙甘草 茯苓 各二兩 肉蓯 麩 訶子 去核

各二兩 砂仁 一兩 酒糊為丸 桐子 大每服七十九空 心米 湯下虛寒加附子一錢滑脫不禁加龍

骨赤石脂俱煨一兩

殮泄素問云清氣在下則生殮泄又云春傷於風夏必殮

泄又云久風為殮泄

劉河間曰殮泄者乃水穀不化而完出因水入胃亦非前

水恣症也先以宣風散導之

出錢氏方中四味者是也

後服蒼朮防風湯

蒼朮

去皮四兩

麻黃

去根節四兩

防風

去芦五錢

右為粗末每服一兩生姜七片水二盞煎至一盞温

服泄止後服椒朮丸

椒朮丸

蒼朮

二兩

川椒

一兩去目炒

為極細末醋糊為丸如梧

桐子大每服二十九食前温湯下

如惡痢久不愈

者彌佳小兒亦佳

東垣曰飧泄是清氣在下乃胃氣不升上古聖人皆以升
浮藥扶持胃氣一服而愈知病在中焦脾胃也脉訣曰
濕多成泄病本在胃真氣弱真氣者穀氣也不能尅化
飲食乃濕盛故也以此論之正以脾胃之弱故也初病
奪食或絕不食一二日使胃氣日勝泄不作也今已成
大泄矣經云治濕不利小便非其治也又云在下者引
而竭之惟此症不然此病既得之於胃氣下流清氣不
升陽道不行只宜升宜舉不宜利小便靈樞云頭有疾
取之足謂陽病在陰也足有疾取之上謂陰病在陽也
中有疾傍取之傍者少陽甲膽是也中者脾胃也甲膽
者甲風是也東方春也胃中穀氣者便是風化也作一

躰而認故曰胃中濕勝而成泄瀉宜助甲膽風以勝尅
之又是升陽氣助清氣上行之法也又一說中焦元氣
不足溲便爲之變腸爲之苦鳴亦緣胃氣不升故令甲
氣上行又云風勝濕也大抵此症本謂氣弱不能化食
奪食則一日而可止夫奪食之理爲胃弱不能尅化食
則爲泄如食不下何以作泄更當以藥滋養元氣令和
候泄止漸與食胃勝則安矣若食不化者於升陽風藥
內加炒麴同煎兼食入頓至心頭者謂之上口也必吐
沃沫或食入反出皆胃土停寒其右手關脉中弦按之
洪緩是風熱濕相合穀氣不行清氣不升爲弦脉之寒
所隔故不下也麴之熱亦能去之若翻胃者更加半夏

生姜入前風藥內同煎奪食少食欲使胃氣強盛也苦藥劑大則胃氣不勝藥泄亦不止當漸漸與之今病既久已至衰弱當以常法治之不可多服餌也人之肌肉如地之土豈可人而無肉故肉消盡則死矣消瘦人有必死者八內經有七外經有一又病肌肉去盡勿治之天命也如肌肉不至瘦盡當急療之宜先奪食而益氣便與升陽先助真氣次用風藥勝濕以助升騰之氣病可已矣餘皆勿論此治之上法也治用升陽除濕湯類之

車前子散

治水瀉不止以車前子炒爲末米飲調下二

錢立止

若秋夏之間濕熱大行暴注水泄以益元散治之或五苓

散加木通口渴者加葛根黃芩芍藥

若胸膈飽悶腹中作脹以胃苓湯治之 又瀉暴而不止

者以止泄丸治之

止泄丸 肉苳蔻五兩 滑石飛 右為末搗飯丸惟滑石

夏三兩五錢秋二兩春冬一兩二錢

升陽除濕湯 治脾胃虛弱不思飲食泄瀉無度小便黃

四肢困倦自下而上引而去之

升麻 防風 柴胡 姜活 神麴 澤瀉 猪苓

陳皮各五分 甘草炙 麥芽各三分 右水煎食遠服 如胃

寒腸鳴加益智半夏各五分姜棗同煎非腸鳴不用

白朮芍藥湯 潔古治太陰脾經受濕水瀉注下躰重微

滿困弱無力不欲食暴泄無數水穀不化先宜白朮芍

藥湯 白朮 芍藥各一兩 粉草五錢 俱要炒黃効速分作

一二服水煎溫服腹疼甚者宜蒼朮芍藥湯

蒼朮芍藥湯 治水瀉腹疼并治痢 蒼朮 芍藥各一兩

黃芩五錢 桂一分 分二服水煎溫服脉弦頭疼者宜

蒼朮防風湯

蒼朮防風湯 治水泄飧泄脉弦頭疼皆効

蒼朮五錢 防風五錢 水煎溫服

已上症如心下痞每服加枳實一錢 如小便不利加

茯苓二錢 如腹疼漸已泄下漸少宜訶子散主之

寒泄者大便完穀不化或口不渴而小水清利腹中鳴時

常喜熱手按摩或過食涼藥所致

調中散 治虛寒停食嘔吐腸鳴泄瀉

砂仁 蓬朮 乾姜炮 桂心 茴香炒 草菓 麥芽炒

橘紅 益智仁 藿香葉各一錢 蒼朮炒 神麴炒 桔梗各一錢

錢五分 甘草炙三分 姜棗煎臨服加鹽少許

大藿香散 治一切脾胃虛寒嘔吐霍亂心腹漫痛如泄

瀉不已最能取効 藿香三兩 陳皮 厚朴姜汁炒 青皮

炒 木香 人參 肉荳蔻煨 良姜炒 大麥芽炒 神麴

訶子煨去核 白茯苓去皮 甘草炒各一兩 乾姜炮五錢 爲末吐逆

泄瀉不下食或嘔酸苦水用水一大盞煨生姜半塊

鹽一撮煎服

養胃湯 治脾胃虛寒、嘔逆惡心、腹脇脹疼、腸鳴泄瀉、方

方出瘧門

理中湯 寒而虛者

莖花丸 赤石脂 乾姜 胡椒

扶脾丸 脾胃虛寒、腹中痛澹泄無度、飲食不化

白朮 茯苓 甘草 炙 訶子 半夏 烏梅肉 各二錢

紅苳 乾姜 肉桂 各五錢 麥芽 神麴 各四錢 陳皮 一錢

右為末、荷葉燒飯為丸、如梧桐子大、每服五十九、溫

湯下 二方加藿香一錢

乾姜散 治水瀉無度 乾姜為末、粥飲調下一錢

衍義云 一人大腸寒、小便精出、諸熱藥服至一斗二升不

効後教服赤石脂乾姜各一兩胡椒五錢同爲末醋糊
爲丸如梧桐子大空心及食前米飲下五七十九服四
劑遂愈

本事方訶子丸 脾胃不和泄瀉不止諸藥不効

訶子皮 乾姜 肉荳蔻 龍骨 木香 附子 赤

石脂 各等分 爲末糊丸每服四五十九米飲下

漿水散 治暴泄如水周身汗出一身盡冷脉沉弱氣少
而不能語甚者加吐此爲緊病

右爲末每服 五錢水煎熱服 甚者三四服

若下痢爲鶩溏大腸不能禁固大便欲了不了小便
清此寒也宜溫之春夏桂枝湯秋冬白朮散 羅謙

甫云鷺澹者大便如水其中有少結糞是也

桂枝湯 桂枝 芍藥 白朮 各五錢 粉草 炙一分 煎服

小白朮散 白朮 芍藥 各三錢 乾姜 炮五錢 甘草 炙二錢 如前

煎服甚者除乾姜加附子一二錢謂辛能發散也

熱瀉 口渴小水短赤糞如糜

益元散 燈心湯或井花水調下

白芍黃芩木通湯 治水瀉小水短赤 白芍 二錢 黃芩 二錢

木通 八分 白朮 一錢 澤瀉 一錢 茯苓 七分 水煎溫服

厚腸散 治腹疼瀉黃及瀉久不止熱藥不効者及治酒

積泄 川黃連 好酒煮 日 爲末每服二錢空 心米飲下

荳蔻香連丸 治泄瀉不問寒熱陰陽不調下痢赤白腹

脹攻痛其効如神

黃連二錢肉苳蔻

木香各一錢

右爲末粟米飲爲丸如米粒大每服十九米飲下漸

加二三十九日夜各四五服

清六丸

去三焦濕熱泄瀉兼治產後腹痛或白痢者能

補脾亦治血痢

六一散

三兩紅麴

炒五錢用此活血

酒糊爲

丸多與清化丸同服並不單用

虛瀉

脉弱無力飲

食少四肢倦足背浮腫口渴皆所當補

錢氏白朮散

治瀉久虛弱清氣下陷口渴或腹中氣不

轉運或不思議或惡心

人參

白朮

茯苓

粉草

葛根

木香

藿香

俱爲末每服二錢米飲調下

參苓白朮散

脾虛泄瀉浮腫

人參

二斤半

白朮

二斤薏苡

仁斤扁荳半斤山藥桔梗各一斤蓮肉半斤砂仁一斤

茯苓一斤甘草斤炒半為末每服二錢米飲調下

人參升胃湯 大便一日三四次澹而不多有時腹鳴泄

瀉小便黃 黃芪二錢甘草炙二分升麻六分柴胡 歸身

陳皮 益智各二錢紅花少許人參六分水煎食前熱服

一味白朮散 治久瀉脾虛脾泄如神

土白朮米泔水洗净切片每一斤用陳皮半斤為末每入饑一層層間隔蒸一日炒乾去陳皮

服二錢米飲調下

理中湯 虛寒作瀉或吐瀉不止精神虛憊甚者加大附

子各理中湯 方在寒門

參苓滑石湯 治泄而困倦小便不利脉數有虛熱

白朮

滑石各一兩

黃芩

人參

芍藥

各五錢

木通

陳皮

各二錢

乾姜

一錢

甘草

炙一錢

分八帖水煎服

桂香丸

臟腑虛為風寒所搏冷滑注下不禁老人虛人

危篤累効

大附子

炮去皮臍

肉蓯

炮

白茯苓

各一兩

桂心

乾姜

木香

炮五錢

丁香

一分

糊丸梧桐子大米飲下五十九

固中丸

治脾久泄去後與氣不快者

蒼朮

肉蓯

煨各一兩

粥丸桐子大每服五十九

固下丸

治脾久泄即前方加破故帛一兩炒

東垣白朮神麴丸

老人奉養太過飲食傷脾常時脾泄

白朮

炒二兩

白芍

酒炒一兩

神麴

炒一兩半

山查

二兩

半夏

製一兩

黃芩

炒五錢

右為末用青荷葉燒飯為丸菘荳大每服百丸

實泄 泄瀉腹疼或有積滯雖明新久新者以消導

之劑久者以前久泄門按寒熱調治

枳實導滯丸 木香檳榔丸

七聖丸

腎泄 晨早瀉一次者是也

愚謂亦不止如此曾記一老人脾泄二十年一日夜三

五次夜多日少以破故紙鹽水炒白朮炒二錢杜仲鹽水炒三

錢一澤泄錢一水煎空心服二帖即愈緣腎者胃之閔腎

虛則下焦不約故也

東坡四神丸 治腎泄下元虛寒尤宜

破故帛炒四兩肉蔻麩煨二兩木香五錢小茴香炒一兩

以生姜四兩煮紅棗肉為丸如梧桐子大每空心鹽

湯吞下五六十九

金鎖正元丹 腎虛泄瀉小便頻數盜汗遺精一切虛冷

之症 龍骨煨 朱砂另研各三兩 茯苓八兩 紫巴戟去心一斤 肉從

蓉洗 葫芦巴焙各一斤 補骨脂酒浸炒十兩 五倍子八兩 右為末

酒糊丸桐子大每服三十九空心温酒鹽湯下

五味子丸 治下元虛寒火不生土及腎中之土不足以

致閉門不閉名曰腎泄亦名脾腎泄

人參 五味子 破故帛炒 白朮各二兩 山藥炒 白茯苓

各一兩半 吳茱萸 川巴戟去心 肉蓯麵煨各一兩 龍骨煨五錢

右酒為丸如梧桐子大每服七十丸空心鹽湯下

痢門 已前諸公皆釋名滯下經書又云腸澼

泄痢二症前綱中病機機要論寒熱虛實治法甚詳陳無擇朱丹溪劉宗厚王節齋諸公又各有發明今摘其緊要逐一詮次以便按治

內經曰飲食不節起居不時者陰受之陰受之則入五臟臍滿閉塞下爲殮泄久爲腸澼是也

內經曰腸澼便血身熱則死寒則生腸澼下白沫脉沉則生浮則死腸澼之屬身不熱脉不懸絕滑大者生懸澁者死以臟期之

脉經云腸澼下膿血脉沉小留連者生數疾且大有熱者死又腸澼筋攣其脉小細安靜生浮大緊死

脉訣舉要曰無積不痢脉宜滑大浮絃急死沉細無害

秘藏云假令傷寒飲食膜脹滿而傳殮泄者宜溫熱之劑以消導之傷濕熱之物而成膿血者宜苦寒之劑以內疎之風邪下陷升舉之濕氣內勝者分利之裏急者下之後重者調之腹痛者和之洞泄腸鳴無力不足拈衣其脉弦細而弱者溫之收之膿血稠粘數至圍而不能使其脉洪大而有力者寒之下之

陳無擇云滯下之症內經所載血溢血泄血便注下古方則有清膿血近世呼爲痢疾其實一也多由脾胃不和飲食過度停積於腸胃不能化又爲風寒暑濕之氣干之故爲此疾傷熱則赤傷冷則白傷風則純下清血傷

濕則下如荳汁治法當先用通利之藥疎調臟腑

原病式曰或言下痢白爲寒者悞也若果爲寒則不能消

穀何由反化爲膿也所謂下利穀反化爲膿血如穀肉

菓濕熱甚則自化腐爛潰發化爲膿血也其熱爲赤熱

屬心火故也其濕爲黃濕屬脾土故也燥鬱爲白屬肺

金也然諸瀉痢皆屬於濕濕熱甚於腸胃之內而腸胃

拂鬱以致氣液不得宣通而成腸胃之燥使煩渴不止

也假如下痢赤白俗言寒熱相兼其說尤悞豈知水火

陰陽寒熱者猶權衡也一高則必一下一盛則必一衰

豈能寒熱俱甚於腸脾之間而同爲痢乎如熱瘡瘍而

出白膿者亦可以白爲寒歟其在皮膚之分屬金故色

白也次在血分屬心火故爲血也在肌肉屬脾土故作黃膿在筋部屬肝木故其膿色帶蒼深至骨屬腎水故紫黑血出也各隨五臟而見五色是其標也本則一出於熱但分淺深而已大法下迫窘痛後重裡急小便赤澁皆屬於燥熱而下痢白者必多有之然則爲熱明矣玉機微義云河間謂赤白不當分冷熱乃屬心火肺金之化也五色各屬五臟本則一出於熱其論甚當緣心主血肺主氣白屬肺金此氣受病也赤屬心火此血受病也赤白相雜氣血俱受病也知此則肝青脾黃腎黑之說亦可得而互明矣

丹溪謂赤自小腸而來白自大腸而來

愚謂大小腸亦心肺之腑也但不若劉宗厚以氣血言尤爲明白

統旨曰河間發明痢本於濕熱最爲詳切及行血則便膿自愈調氣而後重自除誠哉至言也又謂痢雖有赤白而一本之於熱此足以破局方好行辛熱者之弊也然痢之白者不可盡歸之於熱亦有因於寒者痢如凍膠或如鼻涕明是冷症此緣多啖生冷脾胃受傷氣微而滯下生焉非姜桂之辛熱不可也又其日久而不愈腸胃氣虛始爲熱而未變寒或過服冷藥以致脾胃中寒此亦宜有以溫之也

滯下亦有挾虛挾寒

丹溪曰或問河間之言滯下似無挾虛挾寒者然乎否乎
予曰洩利之病水穀或化或不化並無努圍惟覺困倦
若滯下則不然或膿或血或膿血相雜或腸垢或無糟
粘或糟粕相混雖有痛不痛大痛之異然皆裏急後重
逼迫惱人似乎皆熱症實症也予近年涉歷亦有大虛
大寒者不可不知如治予從叔婁長官等皆用參朮及
乾姜姜汁之類是也

劉宗厚曰按滯下之症古人多與洩瀉同論至三因方始
能令立條曰蓋實有不同夫病有從外感而得者須分
六氣之異外既受傷腸胃鬱結遂成赤白等症當隨其
寒熱溫涼以調之有因臟氣發動干犯腸胃而得者須

察其何臟相兼以平治之又有因飲食失節而得者則
又審其何物所傷以消尅之但其受病之後腸胃怫鬱
膿血稠結裏急後重諸方雖有寒熱虛實之論劉河間
則以爲一出於熱然考之內經似亦熱多而寒少也我
丹溪先生則以爲亦有挾虛挾寒之症深戒學者須宜
識此世之局方不辨三因專用澁熱之藥其失甚矣至
河間立說專用苦寒疎下之藥則亦未甚爲當何則盖
病有虛寒治有先後若病氣暴至元氣壯實積滯膠固
須宜下之病久氣脫腸胃虛滑不禁者亦宜溫之澁之
大抵治痢當從仲景河間之法可溫則溫可下則下或
解表或利小便或待其自巳劉河間分在裡在表挾風

赤小玄珠 八卷
挾熱挾寒等症後之作者無越於斯但氣血一條未嘗
表出立論其於芍藥湯下有曰行血則便膿白愈調氣
而後重白除蓋謂便膿血是血之滯下也故曰行血自
愈奔迫後重氣之實也故曰調氣自除誠哉是言但膿
血赤白亦有氣病血病之分後重裡急亦有氣實血實
之異學者尤不可不察

裏急後重有寒熱虛實及在氣在血之異

滑伯仁曰裏急謂腹內急迫後重謂肛門下墜惟其裏急
後重故數至圜而不能便也

愚謂此皆脾胃不和或謂風寒暑濕合氣所干或爲積
滯膠固纏墜或病久陽氣下陷

丹溪曰後重本因邪壓大腸不能升上而重墜也用大黃
枳榔藥者乃瀉其所墜之邪也及久痢與通蕩之後而
後重仍在者知大腸虛滑不能自收而重是以用御米
穀訶子五倍子等瀉劑收其氣而固其滑也然大腸爲
邪壓下之重其重至圓後不減虛滑不收之重其重至
圓後隨減以此辨之百發百中也

愚謂氣虛下陷而重者雖用收瀉之劑仍必以升補藥兼之

又云有服升消藥不効者用秦芫皂角子大黃當歸枳仁
枳殼黃連等劑若大腸風盛者可作丸服

綱目云自古治裏急後重但用枳榔木香調氣及大黃下
積至丹溪始用枳仁滑石滑其死血如鼓應桴實發前

人所未發也

又云下墜在血活之後此爲氣滯宜前藥加檳榔一枚蓋後重者當和氣積與氣墜下者當兼升兼消升謂升麻之類消謂木香檳榔之類

發熱

丹溪曰發熱惡寒身首俱痛此爲表症宜微汗和解蒼朮川芎陳皮芍藥粉草生姜

又云有外感者小柴胡湯去人參 又云下痢發熱久不止者屬陰虛用寒涼藥必兼升散并熱藥姜桂之屬是也 又云下痢初發熱必用承氣湯下後泰症用藥發

熱不惡寒脈洪者宜大承氣湯若惡寒者忌下

愚謂發熱而小便不利者柴苓湯加滑石木通夏秋發熱惡心胸腹飽悶不思飲食藿香正氣散不飽悶

者倉漂湯

令氣及時疫痢

綱目云夏月痢疾用黃連香薷飲加甘草芍藥生姜神效者蓋夏月之痢多屬於暑潔古治處暑后秋冬間下痢用厚朴湯大効者蓋秋冬之痢多屬寒

大全良方云有一境內上下傳染長幼相似是疫毒痢也治法雖當參運氣之相勝亦不可狎泥當先審虛實冷熱首用敗毒散加人參甘草陳皮姜隨症用之

身重

身重不知穀味及下如荳汁者皆是足太陰脾經受濕也

東垣升陽除濕防風湯升陽益胃湯和中益胃湯出蘭室秘

藏濕熱中

腹痛

病機機要云腹痛者宜和劉宗厚云和之一字總言之耳
因氣鬱結不行宜行氣開鬱挾寒者溫中湯大熱者黃
芩芍藥湯積滯者木通導氣湯血虛者當歸芍藥湯亦
有因肺金之氣鬱在大腸之間以苦梗發之

丹溪云下痢腹痛用姜桂溫散之法如建中湯加姜是也
內經云寒氣客於小腸小腸不得成聚故腹痛後泄

又云太陽病冬月感寒則泄當臍而痛是以今之用溫散

者良以此也

仲景治痢不分赤白久新但腹痛甚其脉弦急或瀉浮大按之空虛或舉按皆無力以建中治之甚効

白膿

玉機微義曰白屬肺金此氣受病也

統旨曰痢如凍膠或如鼻涕者爲冷非姜桂之辛熱莫効

丹溪方 治白痢 蒼朮 白朮 神麴 茯苓 地榆

甘草 水煎服

又方 治白痢腹脹飲水過度者 蒼朮 白朮 厚朴

茯苓 滑石 神麴 粉草 水煎食前服飲食不

思吞保和丸三五十九

蒼朮芍藥湯 痢疾痛甚者 方在泄瀉門

戊己丸 治脾經受濕泄痢不止米穀不化臍腹刺痛

黃連

吳茱萸

白芍藥

各三錢

右為末麴糊為丸如梧

桐子大每空心米飲吞下三十九

升麻去濕防風湯

如大便閉或急後重數至固而不

能便或少有白膿或少有血慎勿利之升舉其陽則陰

自降矣

蒼朮

四兩米泔製

防風

三錢

白朮

一錢

茯苓

一錢

白芍

一錢

右每服一兩先用蒼朮以水一盞半煎至二盞納諸

藥同煎至一盞空心稍熱服

胃風湯

治風入腸胃作痢或白或赤或如豆汁

方在下血

溫中湯

治白痢腹疼飽脹不思飲食

蒼朮

木香

乾姜

炮各一錢五分

厚朴

砂仁

青皮

芍藥

炒各一錢二分

加煨姜二片水煎食前服

又方治大人小兒白痢如魚凍 白鴨血用好酒泡乘熱

服下立止

赤膿

玉機微義曰赤屬心火此血受病也

治赤白痢

香連丸 治冷熱不調下痢赤白膿血相雜裏急後重

黃連

去其二十兩吳茱萸十兩煎湯浸同炒赤色去茱萸不用

木香

五兩不見火

右為細

末醱糊為丸如梧桐子大每空心米飲下

秘法以生姜細茶濃煎吞下尤妙

導氣湯 治下痢赤白裏急後重日夜無度

白芍藥一兩當歸五錢大黃二錢五分黃連一錢黃芩二錢五分木香一錢

檳榔一錢每服一兩水煎食前溫服

木香枳殼湯 治痢疾裡急後重開胃膈進飲食破滯氣

散內熱 木香 檳榔 陳皮去白黃連 蓬朮煨當歸

枳殼去穰炒青皮去穰各五錢香附 黃栢各一兩半黑牽牛取頭末淨

右為末滴水為丸如梧桐子大每服五十九或七

十九姜湯下如腫毒加至二百丸利五七行立消

木香檳榔丸 治症同煎 木香 檳榔 青皮 蓬朮

枳殼 黃栢 大黃各五錢香附二兩黑丑取頭末二兩

右為末滴水為丸梧桐子大每服五六十丸白湯下

黃連阿膠丸 治冷熱不調下痢赤白裏急後重臍腹疼

痛口燥煩渴小便不利 阿膠炒二兩 黃連三兩 茯苓三兩

右黃連茯苓為末水化阿膠為丸如梧桐子大每服

三五十丸米飲下

木香導滯湯 木香二錢 白芍二錢 當歸各一錢 枳殼二分

檳榔一錢五分 大黃二錢 黃連一錢 水煎食前溫服

純鮮血

傷風而下清血者宜祛逐之風傷肝肝藏血故下清血者

為風也

右謂下痢純血者死此亦要看兼症及以脈參之未必盡

死予嘗治數人皆生方用佛手散加阿膠秦芫炮姜地

黃黃連地榆蒲黃之類或以四物湯擇前所加藥一二

味增入不必盡加也又不可純用寒涼衍義曰有一男子患血痢醫用寒涼藥逆制專用黃連木香治之此藥始感便用則可病久腸虛者不宜服戒之又云地榆性沉寒苦惟下熱血痢則可用若寒人及水瀉白痢皆未可輕用

王好古曰血痢當服胃風湯膠艾湯之類

仲景治下痢便膿血者菴花湯主之丹溪云菴花湯爲下血虛且寒者而用非乾姜之溫石脂之澁且重不能止其血也用糯米之甘以引入腸胃

集驗方治血痢用乾姜燒黑存性出火毒爲末每

服一錢米飲下

黃連香茹飲

治感暑下痢純血

清暑益氣湯 治暑病內傷下痢不思飲食發熱

六合湯 治伏熱煩悶或成痢疾 俱見中暑出附餘

已註 因暑下痢之劑

敗毒散 加石蓮肉 治下痢熱毒不進飲食

倉廩湯 卽敗毒散加陳倉米姜棗 治下痢赤白或先

因寒邪中臟腑致發熱者

防風芍藥湯 治泄痢殮泄身熱脉弦腹痛而渴及頭疼

微汗 防風 白芍 黃芩 各四錢水煎食前通口

服已上治痢疾身熱者之劑

丹溪治血痢 乾姜 一錢 當歸 二錢五分 烏梅 三錢 黃柏 一錢五分

黃連 三錢 水煎食前服或加枳殼

丹溪治血痢後重熱盛者 大黃 黃連 黃芩 黃蘗

枳殼 當歸 白芍 滑石 菝仁 甘草 白朮

右各等分爲末或作丸用麵糊 或神麵糊丸服

又云悞服熱藥及澁藥毒氣犯胃者當明審以祛其毒

當歸導氣湯 治膿血利無度腹中痛

當歸 芍藥 甘草 青皮 槐花 生地 酒洗
各一錢五分

水二鍾煎至一鍾食前溫服

若後重加木香檳榔末各三分澤瀉五分小便利去瀉

茜根丸 治一切毒痢及蠱注下血如雞肝心煩腹痛

茜根 升麻 犀角 地榆 當歸 黃連 枳殼炒

白芍 右等分爲末醋米糊爲丸如梧桐子大每服七

十九空心米飲下

潔古蒼朮地榆湯

治脾經受濕下血痢

蒼朮三兩地榆一兩

右每服一兩水二鍾煎至一鍾食遠溫服

丹溪青六丸

治血痢清濕熱補脾消痰血用此止痛活

血消食酒糊為丸

方在泄瀉門

當歸芍藥湯

治血虛而下血痢

當歸

川芎

各一錢五分

芍藥

酒炒三錢

生地

黃連

酒炒

木香

各一錢

水煎食前服

黃芩芍藥湯

治火熱下痢膿血

黃芩

五錢

甘草

炙一錢

芍藥

炒三錢

水煎食前服

大黃湯

治泄痢久不愈膿血稠粘裏急後重日夜無度

久不愈者用此微利

大黃

一兩

用好酒二鍾浸半日

煎至一鍾去大黃分爲二服如未止再服盡以利爲度
後服芍藥湯和之利止再服黃芩芍藥湯以散其毒也
劉宗厚云此乃陽明經蕩滌之藥用酒煎者欲其上至頂
顛外徹皮毛也

芍藥湯 治腹痛下痢膿血日夜無度裏急後重是以行

血則便膿自愈調氣而後重自除 白芍兩一當歸

黃連各五錢檳榔 木香各二錢大黃三錢黃芩五錢甘草炙二錢

桂二錢右每服五錢水煎食遠温服如痢不減加大黃五錢

劉宗厚云此行血調氣不熱之藥也大凡用藥之雜與用

藥之多者難以細分經絡當觀其大躰如何此太陽桂

桂枝例藥也

附禁方

木香散 治腹痛下痢膿血裏急後重 木香五錢 地榆一兩

黃連七錢 赤芍 青皮 枳殼 乳香 甘草各五錢

右為末每二錢白湯下

延胡止痛散 治血痢疼痛飲食不進

延胡炒 為末每用二錢米飲調下三服全愈

木香甘連湯 治血痢如神 黃連一兩 甘草二錢 木香一錢

水二鍾煎至一鍾食前服先一日預服五苓散三帖

次早服此即止

又方 萆菜連根取自然汁和好酒一盞溫飲極驗

又治婦人心痛及治淋散氣行血故也

黃連烏梅丸 治濕熱痢不瘥 烏莓肉炒 黃連各四兩

淨為末煉蜜為丸如梧桐子大每服二十九米飲下

車前湯 治熱痢不止及小便不利

車前子搗爛取汁一鍾入蜜一合煎服

已上治濕熱傷血赤痢之劑

苦參丸 治血痢 苦參不拘多少炒焦為末滴水為丸

如梧桐子大每服五十九米飲下

黃栢丸 下痢純血 黃栢蜜炙令香黃色一兩為末每

服三錢空心溫漿水調下

一方地錦草不以多少晒乾為末每服二錢空心米飲調下

加劑四物湯 保命集 治下痢 川芎 當歸 白芍

生地 槐花 黃連 御米殼各等分 水煎服

樗皮丸 治痢清血腹中刺痛 樗根白皮 不拘多少

炒為末米醋糊為丸如梧桐子大空心米飲下三四丸

地榆散 治中暑昏迷不省人事欲死并治血痢暑痢

地榆 赤芍 黃連 青皮去白 各等分為末每服三錢

湯水調下血痢煎服

烏毒丸 治熱留腸胃臍腹疼痛下痢純血或服熱藥過

多毒蘊於內滲成血痢 烏毒肉二兩 黃連三兩 當歸二兩

枳殼去白二兩 右為末醋糊丸如梧桐子大每服七十九米飲下

血痢極効方 當歸一錢 赤芍 地榆 黃連 生地

甘草 嬰粟殼各五分 石榴皮三分 水煎服

五香散 治血痢脉滑 五倍子炒焦存性 香白芷炒

各等分爲末每服二錢白湯調服一日三次

紫黑血

丹溪云其或下墜異常積滯中有紫黑血而又痛甚者此爲死血証當以菀仁滑石行之或口渴及肛門燥辣是挾熱加黃芩或口不渴身不熱喜熱手熨盪者是挾寒即加干姜

下痢身熱舌黑下如煤色或去瘀血用犀角人參湯

犀角 人參 黃連 白芍 生地 甘草 丹皮

水煎服

臟毒下血

衍義云曾治洛陽一婦年近五十耽飲無度多食魚蟹攝
理之方蔑如也後以飲啖過常蓄毒在臟日夜二三十
度大便與膿血雜下大腸連肛門痛難任醫以治血痢
藥不効又以腸風藥則益甚蓋腸風則有血而無膿又
如此已半年餘氣血漸弱食漸減肌肉漸瘦稍服熱藥
則腹愈痛血愈下稍服涼藥則泄注氣羸粥愈減服溫
平藥則病不知將暮歲醫告技窮垂命待盡或有人教
服人參散病家亦不敢主當謾與服之才一服二服減
三服膿皆定自此不十服其疾遂愈後問其方云治大
腸風虛飲酒過度挾熱下痢膿血疼痛多日不差樗根
白皮人參各一兩爲末空心米飲調下一二錢忌油膩濕

麵青菜果子甜物雞魚蒜等

槐花散 治血痢久不止腹中不疼不裏急後重此臟毒

也 青皮 槐花 荆芥穗 各等分爲末水煎空心熱服

又方 治腸風血痢 鱖魚一具破開去腸膽入白礬二

錢燒存性爲末米飲空心調下

逐瘀血 治赤痢血痢應驗如響病雖垂殆一服卽愈

阿膠麵炒成珠 枳殼麵炒 茯苓 川芎 蓬朮 白芷 木通

茯神去皮 生地 生甘草 赤芍 五靈芝炒烟盡各一錢 大黃

菴仁去皮尖各一錢五分 水鍾半蜜三茶匙煎七分去渣入大

黃仍煎一沸空心溫服

豆汁

陳無擇云傷濕則下如豆汁嚴用和云傷濕而下豆汁者
分利之劉宗厚云濕喜傷脾胃爲五穀之海無物不
受常兼四臟蓋豆汁之色如五色之相雜故下豆羹汁
者濕也

泄痢作嘔

病機機要云如痢或洩而嘔者胃中氣不和也上焦不和
治以生姜橘皮中焦不和治以芍藥當歸下焦寒不和
治以輕熱藥甚以重熱藥

劉宗厚謂亦有胃火冲上而嘔者有陰虛而嘔者有胃虛
而嘔者有積滯毒氣上攻而嘔者

統旨謂痢而嘔者乃胃氣不利用生姜橘皮白朮湯因火

上逆而嘔者加姜汁炒黃連胃虛加人參倍朮積滯毒氣上攻而嘔者木香導滯湯陰虛者四物加參朮苓栢陳皮下痢吃逆同治

噤口痢

百一選方云噤口痢是毒上冲心肺所致用石蓮子以通心氣便覺思食

玉機微義云痢而能食知胃未病也若脾胃濕熱之毒薰蒸清道而上以致胃口閉塞而成噤口之症理宜除胃口之邪熱而此云毒氣上冲心肺其毒不知指何者之邪然亦有脾胃虛而得者有悞服利劑毒藥犯胃者又有服瀉熱之劑太早而邪氣閉遏於胃口者必當求責

丹溪曰禁口痢胃中熱甚大虛大熱故也用人參一錢黃連姜汁炒一錢濃煎汁終日細細呷之如吐再服但得一呷下咽便開又宜引熱下行用田螺肉搗碎罨臍中入射香少許

又云黃連與參各一錢加砂仁三粒煎服

統旨云毒氣上冲心肺用人參茯苓石蓮肉入些小菖蒲以通心氣胸次一開自然思食有脾胃虛弱不能納穀用參朮以健脾胃或參苓白朮散之類加石菖蒲陳倉米

濟世方云治痢疾不納飲食者謂之禁口痢以脉症辨之如脾胃不弱而知其頭疼心煩手足溫熱未嘗多服涼藥者此乃毒氣上冲心肺所以嘔而不食宜用敗毒散

每服四錢陳倉米百粒姜三片棗一枚水煎溫服

又方加石

蓮子白菴

仁尤妙

若其脉微弱或心腹膨脹手足厥冷初病則不嘔因服嬰粟烏毒苦澁涼藥太過以致聞食先嘔者此乃脾胃虛弱用山藥一味一半生一半炒爲末米飲調下虛寒甚

脉微弱者理中湯

治噤口痢 枇杷葉蜜炙一兩砂仁蜜炒五錢爲末蜜調抹口中嚙下

吞蓮肉 日乾 爲末每服二錢陳倉米飲調下便覺思食或

以受日陳壁土炒橘紅爲末姜棗畧煎佐之

又方 黃連半斤生姜四兩切片與黃連同炒待姜焦黃

色去姜只取黃連爲末以陳米飯搗爲丸如梧桐子大
每服七八十九赤者陳米飲下白者陳皮湯下赤白相
雜者陳皮米飲下

又方 獨核肥皂一枚去核用鹽填實其內火燒存性爲
末先煮白米粥用少許人在粥內食之立効

又方 梨子一枚去心入好蜜一匙蒸熟食之

下痢吃逆 俗名發呃

丹溪云吃逆病氣從下冲上属火之象古方悉以胃弱言
之殊不知胃弱者陰弱也虛之甚也滯下之久多見此
症乃因久下而陰虛也 詳見吃逆本門

一人年五十質弱多怒暑月因飢索食不遂後得瀉痢口

乾七八日後發吃遂以人參白朮煎湯調益元散數日
安此虛熱之治痢倘未止者將此藥蜜丸服之數日全

下痢大孔痛

大孔痛暴病身熱或脉洪大此熱沉於下也宜清之若久
病身冷自汗脉沉小宜溫之

又方 治大孔痛熱流於下者栝榔木香黃連黃芩加乾姜

丹溪治一人年二十性好酒色奉養過厚適有事多憂恐

患瘧發寒熱忽一日大發熱大便下皆是積滯極臭大

孔極痛呻吟不絕其孔陷人囑付後事予曰此大虛也

脉皆弦大而浮遂以瓦片令敲如銅錢員樣燒紅投入

童便中急乘熱取起令乾以紙裹安痛處其時寒恐外

寒乘虛而入也。以人參當歸陳皮作濃湯飲之。食淡味
至半月而安。又有用瓦片燒紅投入槐花湯照上用者。久下赤白大孔痛不
可忍炒鹽熨之。又炙枳實熨之。日華子云痢久大孔急
痛亦有寒熱者。熟艾黃蠟訶子燒薰之。

治痢大便不禁其大孔開如空洞不閉者用花椒爲末葱
搗爛塞谷道中併服酸收澁腸之劑如御米殼訶子皮
之類收之神効。

痢疾肛脫

初起裏急後重脫肛此爲邪壓大腸其氣不得宣通而脫
下也宜木香導滯湯內有木香枳榔調其氣黃芩清上
熱大黃下其積滯歸芍活其血而愈也。

若用推積滯調氣之後而脫肛者此爲氣虛宜補而升之
痢久氣血俱虛虛中有寒滑下不收者補中加溫澁之劑
如真人養臟湯之類

有濕熱在大腸因裏急後重而脫肛者宜清之如保命集
地榆芍藥湯之類是也

虛坐努圍

東垣曰虛坐而不得大便秘者皆因血虛也血虛則裏急加
當歸身 凡後重逼迫而得大便秘者爲有物而然今
虛坐努圍而不得大便知其血虛也故用當歸爲君生
血藥佐之

痢而小便少

劉河間治身發熱下痢赤白小水不利以益元散盪胃中積聚又泄熱從小便中出也

丹溪治一老人年七十面白脉弦數獨胃沉滑因飲白酒作痢下血如淡膿水腹痛小便不利裏急後重以參朮爲君甘草滑石枳榔木香蒼朮爲佐下保和丸二十五粒第二日前症俱減惟小便不利以益元散服之安

糟粕不實

痢疾已愈惟糟粕不實此腸胃虛間或有濕參苓白朮散錢氏白朮散吞檮根白皮丸或訶子皮散棗花丸之類擇而用之異功散加肉豆蔻亦好

久痢滑泄不固 有寒有熱有虛

濟世方治熱滑側栢葉一錢甘草三錢御米殼蜜炒一二錢
久者倍之水煎服

仲景治寒滑不禁堯花湯止之

王好古曰大凡痢疾乃心腹之患老年人尤非所宜若果
首尾用平和之劑決難作効必致危篤雖欲服此則已
晚矣其秦苳地榆黃栢木通之類其性苦寒却難輕服
白痢當服理中湯 血痢當服胃風湯 若五色雜

下泄瀉無常用熟烏頭一兩厚朴乾姜甘草各等分生
姜煎服 今之治痢多用駐車丸黃連阿膠丸之類其
中止有黃連肥腸其性本冷若所感積輕及餘痢休息
不已則服取効若病稍重則非此可療予嘗用斷下湯

加減調治百發百中

易簡斷下湯 治下痢無問新久赤白老幼

白朮錢一 茯苓錢一 甘草五分 草菓一枚連皮用 御米殼十四枚去根膜醋炒

生姜七片 棗子烏梅各七箇 水煎服 赤痢加黑豆二

粒 白痢加乾姜五分 又云御米殼治痢如神但性

緊濇多令人嘔逆既以醋製加以烏梅不致為害然嘔

吐則不可服 又云大率痢疾古方謂滯下多因腸胃

素有積滯而成此疾始得之時不可遽止先以巴豆感

應九十餘粒白毒湯下令大便微痢仍以前藥服之無

不應手作効若脾素弱用橘紅豆蔻粟殼各等分煮麵

糊為丸桐子大每服五十九丸烏毒湯下兼治泄瀉暴下

不止一服即愈更令藥力相倍為佳如覺惡心却以理
中湯四物湯加豆蔻木香輩調其胃氣仍以二陳湯水
煮木香膏等定其嘔逆

又方治冷痢腸滑頻併泄瀉服之神効白朮炒三兩

乾姜炒甘草炙各一兩半木香粟殼蜜炙訶子去核各一兩肉蓯

生十枝右為末糊丸梧子大每服五十九丸米飲下

錢氏白朮散治氣血俱虛神氣衰弱或瀉或痢脾虛口

渴惡心等症方在泄瀉

一方治白痢久不効乃寒滑症也治當溫澁

酸石榴皮半個草菓一個陳皮三介烏梅一個甘草一寸乾姜一錢

水煎食前服

遇仙立効散 治諸惡痢或赤或白或膿淡相雜裏急後

重臍腹結痛或下五色或如魚腦日夜無度或禁不食

不問大人小兒虛弱老人產婦並宜服之 御米殼去蒂

鹽水炒 當歸各二兩 甘草 地榆 赤芍 酸石榴皮各一兩

右每服一兩水煎食前服忌生冷油膩

神効參香散 治大人小兒臟氣虛怯冷熱不調積而成

痢或鮮血或豆汁或如魚腦或下紫黑瘀血或赤白相

雜裏急後重日夜無度不問新久並治 白扁豆

人參 木香各一兩 茯苓 肉蓯煨各四兩 橘紅 御米殼去蒂

各十 右為末每服三錢米飲下

水煮木香丸 治一切下痢赤白膿血相雜裏急後重

御米殼去穰二錢 青皮去白二兩四錢 甘草炙三兩 當歸 訶子肉

木香不見火各六兩 右為末煉蜜為丸如彈子大每服一

丸水一鍾煎化至六七分空心食前服

具人養臟湯 治大人小兒冷熱不調下痢赤白膿血或

如魚腦髓裏急後重臍腹疼痛或脫肛墜下酒毒便血

並治 御米殼去蒂蜜炒三兩六錢 人參 當歸各六錢 肉桂八錢

訶子去核一兩二錢 木香不見火二兩四錢 肉蓯麵煨五錢 白朮炒六錢 白芍

一兩六錢 甘草一兩八錢 右每服六七錢水煎食前服臟寒者

加大附子

固腸湯 三因方 治冷熱不調下痢赤白

御米殼去蒂醋炙三兩 白芍一兩 當歸 甘草各一兩 陳皮 訶子

白姜

炮各五錢

人參

木香

各三錢

右每服五六錢水煎七分食前服

荳蔻固腸丸

治脾胃虛弱臟腑頻滑下痢赤白

木香

赤石脂

乾姜

砂仁

厚朴

製

肉蓯

煨各三兩

爲末麴糊爲丸梧桐子大每服五十九米飲食前服

白朮安胃散

東垣

治一切瀉痢膿血相襍裏急後重日夜

無度又治男子小腸氣痛婦人臍虛冷并產後兒枕塊

痛亦治產後虛弱寒熱不止

白茯苓

白朮

車前

子

各一兩

五味子

烏梅

各五錢

御米殼

蜜炙二兩

右每服一兩

水煎服

仲景菴花湯

治下便膿血不止

赤石脂

乾姜

粳米

水煎服

赤水玄珠 八卷
異功散 治久痢脾胃虛弱 四君子湯各一錢加陳皮
二錢 水二鍾煎八分加姜棗食前服

休息痢

休息痢者愈後數日又復痢下時作時止積年累日不肯
斷根者是也此因始得之時不曾推下就以調理之劑
因循而致也又或用兜澁藥太早以致邪不盡去綿延
於腸胃之間而作者或痢愈之後而腸胃虛弱復爲飲
食所傷而作者當看輕重調理或熱或寒或消導或再
推下然後以異功散等補劑加收澁之藥

張文仲治痢久下經時不愈者此名休息痢取虎骨炙焦
爲末日服三次每服二錢

縮砂散 止休息痢 砂仁炒 爲末空心米飲下一錢

木香飲 治隔年痢不止並治血痢尤佳 木香 黃連

各五錢二 味同炒 右爲末入射香少許每服二錢米飲下

芎粟散 治禁口紅白久不愈者 川芎

嬰粟殼去蒂膜 各一兩 爲末空心蜜湯調下八分

虫痢

濟世方治似痢非痢挾熱者苦楝根皮去粗皮 晒乾 爲末糯米

飲爲丸米飲下

瘡痢

瘡未已因食生冷痢作 人參 白朮 茯苓 陳皮

半夏 甘草 生姜 草菓 烏梅用鹽少許淹少時 以厚帛裹水濕煨

熱

水煎未發前服

痢未愈繼之以瘡十味六和湯 藿香 厚朴 赤茯苓

人參 木瓜 香茹 扁豆 杏仁 甘草 砂仁

丹溪治痢活套

丹溪曰下痢初得之時元氣未虛必推蕩之此通因通用之法稍久氣虛則不可下吐實初病宜下虛弱衰老久病宜升之 其或下積腹痛後重小水短此爲裏症宜和中疎氣用炒枳殼製厚朴芍藥陳皮滑石甘草 其或在下則纏住在上則嘔食此爲毒積未化胃氣未平寒則溫之熱則清之虛則用參朮補之毒解積下飲食自進 其或身倦自覺氣少惡食此爲挾虛証宜加白

朮當歸身尾甚者加人參又十分重者止用此一條加
陳皮補之虛回而痢自止 其或氣行積少但虛坐努
責此爲無血症倍用當歸身尾却以生芍藥生地菝仁
佐之陳皮和之血生自安 其或纏墜減退十之七八
穢積已盡糟粕未實當炒芍藥炒白朮炙甘草陳皮茯
苓煎湯下固腸丸三十粒然固腸丸性燥恐尙有滯氣
未盡行者但當單飲此湯固腸丸末可遽用蓋固腸丸
有去濕實腸之功 其或痢後糟粕未實或粥食滯多
或飢甚方食腹中作痛切不可驚恐當以陳皮白朮各
半煎服和之而安 其或久痢後躄虛氣弱滑下不止
又當以藥澁之可用訶子皮肉荳蔻白礬半夏甚者牡

礪可擇用之然須用陳皮爲佐恐太澁亦能作痛又甚者炙天樞氣海 右前方用厚朴專瀉凝滯之氣然厚朴性太溫而散氣久服大能虛人滯氣稍行則去之餘滯未盡則用炒枳殼陳皮然枳殼亦能耗氣比之厚朴稍緩比陳皮稍重滯氣稍退亦當去之只用陳皮以和衆藥然陳皮去白有補瀉之功若爲參朮之佐亦純作補藥用 凡痢疾腹痛必以白芍甘草爲君當歸白朮爲臣惡寒者加桂惡熱者加黃柏達者更能參以歲氣時令用藥則萬舉萬全豈在乎執方而已哉

禁方

乳香止痛散

治

下痢赤白

疼痛不已

御米殼

去穢蜜炒五錢

橘紅五錢

炙甘草五錢

乳香二錢

另沒藥二錢

另水煎去渣

另青皮四錢

另病不止加

入乳沒食前服如白痢熱服紅痢冷服如

病不止加青皮四錢

治男婦老幼赤白痢

紅花

胡椒

等分爲末紅棗煮

肉搗爲丸如梧桐子大白麵爲衣

赤痢甘草湯下

三十一丸

白痢姜湯下先通爲度次早空心再服

三十九丸不拘紅白俱以滾水下即愈

不治症及危症

下如魚腦者半生半死下如塵腐色死下如屋漏水者死

下如竹筒注者不治下痢純血身熱而脉洪數者死

王節齋治例

痢乃是濕熱食積二者別赤白青黃黑五色屬五臟白

者濕熱傷氣分赤者濕熱傷血分白相雜氣血俱傷黃者食積治法瀉腸胃之濕熱開鬱結之氣消化積滯通因通用其初只是下之下症未愈隨症調治稍久者不可下胃虛故也痢多屬熱亦有虛與寒者虛者宜補寒者宜溫年老及虛弱人不宜下

主方 黃芩炒二錢五分 黃連炒一錢五分 白芍炒二錢 已上三味痢疾必用

之藥 木香 枳殼炒一錢五分 檳榔三錢 甘草炙三錢 若腹痛加

當歸一錢五分 砂仁一錢 再加木香芍藥各五分 若後重加活石

炒一錢 再加枳殼檳榔各五分 芍藥生用再條五分 亦加

若白痢加白朮茯苓炒滑石陳皮各一錢

初欲下之加大黃五錢 兼食積加山查枳實各一錢

若紅痢加當歸川芎桃仁各一錢五分

初欲下之再加大黃五錢

若紅白相襍加當歸各一錢五分菝仁川芎各一錢五分以理血活石陳皮

蒼朮各一錢五分以理氣有山查枳實

若白痢久胃弱氣虛或下後未愈減連芩芍藥各七分加白

朮一錢五分黃芪各一錢茯苓陳皮各一錢砂仁五分去檳榔枳殼再

加乾姜炮五分

若紅痢人虛弱血虛或下後未愈減芩連各五分加當歸川

芎熟地黃阿膠陳皮各一錢白朮一錢五分

若色赤黑相雜此濕勝也小便赤澁小加木通澤瀉茯苓

各一錢山梔炒五分以分利之

赤水... 卷... 五...

若痢加當歸生地菝仁炒槐花各一錢久不愈減芩連

各七分 去檳榔枳殼再加阿膠炒側柏葉各一錢五分

乾姜炒黑一錢白朮一錢五分陳皮二錢

若痢已久而後重不去此大腸墜下去檳榔枳殼用條芩

加升麻一錢以升提之

若嘔吐食不得下加軟石膏一錢五分陳皮一錢山梔仁

炒五分 人生姜汁緩呷之以瀉胃口之熱

有一樣氣血虛而痢者四物湯加人參白朮陳皮黃連黃

芩阿膠之類補之而痢自止

有一樣寒痢用黃連木香芍藥當歸乾姜砂仁厚朴肉桂

之類

若得痢而悞服溫熱止澁之藥則雖稍久亦宜用前法以
下之後方補之

若得痢便用前正法下之而未愈又用前調理法治之而
久不愈此屬虛寒而滑脫可於前虛補寒溫二條擇用
更加龍骨赤石脂御米殼烏莓肉等收澁之藥

胎前痢疾

本事方 治婦人胎前產後不拘赤白生姜二觔搗取自
然汁以鴨子一枚打碎入姜汁內攪勻煎之至八分入
蒲黃三錢再煎五七沸空心溫服立効

大全良方 治妊娠素弱下痢頻併腹痛瘦甚面色痿黃

不進飲食 厚朴 一兩半
白朮 川芎 白芍 熟地

黃 當歸 干乾 人參 各二兩 訶子 三錢 甘草 一錢

右服五六錢姜三片水煎服

黃芪當歸湯 治妊娠下痢腹痛小便澁

當歸 黃芪 各一兩 糯米 一合 右和勻水煎分四服

羅太無大寧散 治妊娠下痢赤白灰色泄瀉疼痛垂死

者 黑荳 三十粒 粟殼 二兩一半 甘草 二兩半 生一半炒

右加姜三片水煎食前服神効

大全良方 治妊娠挾熱下痢亦治男子常痢

黃連 黃栢 各二兩 梔子 二十枚 右每服六七錢水煎

濃服 若嘔者加陳皮一兩半生姜三兩

黃連湯 治妊娠下痢赤白膿血不止

黃連八分 厚朴製 阿膠炒 當歸 乾姜各六分 艾葉

黃柏各四分 右為末空心米飲調下方寸七曰三服

厚朴散 治娠娠下痢黃水不絕 厚朴姜製三兩 黃連三兩

肉荳蔻一枚連皮用 右為粗末水煮頓服

肉菓飲 治娠娠臍氣本虛脾胃衰弱臟腑虛滑臍腹疼

痛日夜無度 厚朴姜製二兩 肉荳蔻一枚 麩裏煨

右咬咀每服五錢姜三片水煎服

阿膠湯 治娠娠腹中絞痛心下急痛及療產後血暈崩

中久痢 阿膠二兩 酒二升半煎取一升頓服

宣明白朮湯 白朮 黃芩 當歸各等分 水前食前服

產後痢

救急散 治產後赤白痢腹中絞痛

白芍 好酒炒 阿膠 艾葉 熟地 各一兩 甘草 當歸 各三兩

每服二兩水煎膿空心服

當歸芍藥散 治妊娠腹中絞痛心下急痛及療產後血

暈崩中久痢 方見妊娠腹痛

經驗方 治產後胎前痢疾

龜甲 一枚 米醋炙為末醋湯調下

丹溪治婦人患墮胎後膈滿食少痢不止脉虛左手尤甚

滑石 白芍 蒼朮 各五錢 白朮 二錢半 乾姜 四錢 茯苓 一錢

訶子 煨二錢 為末水煎下保和丸四五十粒

雲箕子治產後血痢臍腹疼痛四物湯加槐花黃連御米

穀等藥

仲景白頭翁甘草阿膠湯

脉經謂新產重下虛極熱痢

白頭翁

阿膠

各三兩

黃連

黃栢

秦皮

各三兩

甘草

二兩

分三服水煎食遠服

產後血痢小便不通臍腹疼痛

王馬齒莧搗汁一合煎一二沸下蜜一合調頓服